



Diario



pa Aruba



Instala Aire acondicionado na bo cas AWOR!



Tel. 2170

ANJA 21

DIASABRA 7 DI MEI 1960

Nr. 3728

Eilandsraad a reuni:

## Ta bini un Kweekschool-HBS ta bira cinco anja-Eman no kier presentiegeld

Muchanan di HBS den tribuna a duna aplausa

**ORANJESTAD** — E punto mas importante durante e reunion di eilandsraad di ayera tardi cu o ser trata y cu a ser aproba unanime tabata e proposicion di Bestuurscollege pa haci e HBS na curso di cinco anja y tambe pa cuminsa un kweekschool. Tur e fraccionnan a declara di ta completamente partidario di e plan y senjores Mathew y Petronia te hasta a papia di momento historico y un decision cu cual e pueblo di Aruba por worde felicita.

Despues cu senjor C.A. Eman (A.V.P.) a muestra pa pereira pa e kweekschool no stroba e HBS y e mes orador aki y senjor P. Croes (P.D.C.) a hala atencion di B.C. pa mira pa e scolnan aki tan pronto posibel hanja un edificio adecuado, tabata e deputado E.O. Petronia (PPA) cu a contesta. El a gradici raad cu tabata asina sportief y cu unanime a aproba e proposicion di B.C. y ta expresa su satisfaccion cu awor a bira posibel pa duna e muchanan un educacionnan completo di H.B.S. of pa sinja pa meester di scol na nan mes terra. E deputado a priminti di pone presion tras di e plannan pa duna e HBS un bon edificio. Cuanto e decision di raad a ser aprecia a worde comproba di un aplauso cu a resona di e tribuna publico despues cu e punto di agenda aki a worde trata. Den e tribuna tabatin dos klas di Colegio Arubano 3A y 3B huntu cu nan mees-terman kende a presencia e discusionnan di e punto aki curiosamente.

Pa hopi di e muchanan aki e decision di raad ta nifica cu denter di algun luna nan no ta obliga di bai Hulanda mas pa sigui nan estudio y pa keda un paar di anja for di nan famianan. Sonriendo president Beaujon a ricibi e aplauso caluroso di e muchanan.

**Suave**  
Cu e representantenan di pueblo no semper ta mes severo y tin biaha te hasta ta suave tahata un prueba ayera, or cu e proposicion di B.C. a jega na turno pa procede contra un ambiente naar di Haven en Loodsdienst (in tal S. Red.), kende a estafa e territorio insular pa un suma di casi tres mil florin y despues cu el a sali di Dakota no a hasi ningun esfuerso pa debolbe e placa. Oradorman di diferente frac-

## Aspecto colorido, hopi movementu na ocasion di e Convencion di Leones

**ORANJESTAD** — Mas di trenten persona den cinco aeroplano extra a jega ayera pa asisti na e Convencion di Leones durante e week-end aki. Tanto na aeropuerto, na hotel, como riba e caminda mel-mel di e dos lugarnan aki tabatin un movementu enorme henter dia.

Club di Leones di Aruba a forma un comite, cu a hanja como encargo especial, inscribi number di esnan cu a bini, y haci entrega na nan di varios kaarchi, feneta y tur clase di buknan. Bisti cu un jacket geel y paars cu nan a laga cose especialmente pa e ocasion aki, y cu nan petchi di mes color ariba nan cabes, asina e Leonnian Arubano tabata sinta tras di mesanan largo den e lobby di Aruba Caribbean Hotel, e cuartel general di e convencion y e colmeda di tur e acontecimiento.

Gobernador bieuw di Distrito Federal Hands tabata sinta na punta di un di e mesanan, e tabata actua como

cionnan cu a papia tocante e asunto aki a pidi clemencia pa e persona aki, otro pa duna e por lo menos un oportunidad mas pa regla e kestion. Te hasta tabatin miembronan di raad cu tabata dispuesto pa perdona e dehe aki. Den e sentido aki por lo demas e deputado Tromp a observa, cu ontvanger nunca lo obliga un hende pa paga, ora cu e no tin medio pa esaki. Si esaki ta e caso anto hasta tin chens pa prorgacion of cancelacion di e dehe. Asina a worde dicide pa laga ontvanger bishita S. un hiba mas.

Tocante e meternan di taxi — di cual prensa no a ricibi detallenan — a resulta cu esakinan ta keda propiedad di e territorio insular. Senjor Max Croes (AVP) a haci algun pregunta. Entre otro e ta puntra ta kende ta pereira pa reparacionnan y cambio e placa. (E ta sigi riba pag. 2)



Senjor Pieters durante su palabranan di despedida, na robez di dje ta sr. Marchena na drechi sr. Orman.

## Cuater ambtenaar di Douana a bai cu pensioen

### Despedida ayera tardi

**ORANJESTAD** — „Pa retira onverwachts di dienst berdad ta un poco duro, pero di otro banda tambe ta bon cu awor bo ta worde obliga di baha cu pensioen na edad di 55 anja. Na e manera aki por lo menos bo por gosa poco di bo pensioen.”

Tabata palabranan di adjunct-inspecteur der belasting, senjor H.W.J. van der Weide ayera tardi na tres di e cuater ambtenaarnan cu a traha na belasting na Aruba cu entrante 1 di mei u.o. mester a bai cu pensioen en conexion cu e reglamentu nobo di pensioen. Senjores M.A. Pieters, V.M. Orman y F.A.P. Marchena tabata tres di e cuateran cu ta retirando. Senjor B. Westerburger e di cuater no tabata presente na e despedida aki cu e coleganan a organisa pa nan.

Tur e cuater ambtenaarnan aki tin hopi anja den dienst, variando di 26 te 32 anja. Senjor Westerburger kende anja 1928 a drenta dienst tabata ultimo eerste klas, senjor Pieters kende a cuminsa 1933 tabatin e mesun rango, mientras cu senjores Orman y Marchena, tur dos a drenta den servicio riba e fecha 16 november 1934.

E landsverordening ta stipula cu ambtenaarnan cu a cumpli 55 anja dia 1 di mei u.o. mester sali di dienst. Pa esnan cu a jega na e edad ei cababesaki a bin masha onverwachts, otro tin poco mas tempo pa prepara. „Pero”, asina senjor Van der Weide a bisa, „no ta pa placa so nos ta biba y traha, boso a traha bon, mi ta gradici boso pa tur e cooperacion di semper.”

Tantu senjores Pieters como Marchena a expresa palabranan di gratitud, mientras cu senjor D. Siebe, na number di e coleganan tambe a dirigi algun palabra di despedida. Mientras cu e whiskey-soda, rum-cola tabata hasi rond, e tres pensionadonan a ricibi nan envelopnan cu contenido y regalnan di nan coleganan.

## JAMANOTA TA ELIHI MAMA DI CLUB

**ORANJESTAD** — Diadomingo awor den Club Jamanota na Santa Cruz lo worde organisa un baile, cual ta priminti di bira algu particular. Durante e fiesta aki e miembronan lo elihi na ocasion di dia di Mama, un mama di e club di Jamanota.

## NAN TA BAI TRA'I OTRO ATROBE CIEN FLORIN DI PEPSI-COLA



Senjor Jossy (Bochi) Americano a cumpra un PEPSI-COLA diasabra na UCHEE'S PLACE; el a bai mira (naturalmente bao di e korki) y a hanja un „A”, pues

## CIEN FLORIN

Diamars mainta Sr. Eric Ponson di UCHEE'S PLACE a entrega e placa na e afortunado.



Y abo? AWE of MANJANI!  
BEBE PEPSI, mira bao di e korki y  
**GAN A PLACA!**

## BASEBALL - BASEBALL - BASEBALL

Diadomingo 8 di mei 10.00 a.m.

den WILHELMINA STADION

“ORANJESTAD LITTLE LEAGUE BASEBALL”

Aruba Bottling Co., fabricadora di es refresco „Oso-Grape” es refresco di tur deportista ta anuncia:

Prome encuentro  
**WRIGLEY'S P.K. 2 vs. ADAMS CHICLETS**

Segundo encuentro  
**OSO-GRAPE vs. ARUBA LIONS**

Bin weita muchanan di bo barrio den accion pa solamente Fl. 0.50 pa hende grandi y Fl. 0.25 pa mucha.

Tambe bo por gana un bunita premio cu bo tickete di entrada.

E comite de recepcion tabatin palabranan di elogio pa e despacho rapido cu tabatin na aeropuerto. Tanto pa banda di imigracion como pa parti di douanan nan a duna tur cooperacion posibel. Maleianan tabata pasa serpa dilanti di douana, di manera cu no mester a perde hopi tempo.

Sin duda e weekend aki lo ta yen di movementu den centro di comercio na nos playanan, den hotelnan y restaurantnan. Aruba ta yen di actividad.



## BARBECUE DIA DE LAS MADRES NA BASI RUTI

**ORANJESTAD** — Diadomingo atardi di 2'or te 5'or tin un barbecue en conexion cu dia de las Madres. Di parti di directiva di Basi Ruti nos a worde segura, cu lo ta un atardi sumamente agradable.

## RADIO NEDERLAND TA DEDICA PROGRAMA NA ARUBA

**ORANJESTAD** — Den e programan di Radio Nederland Wereldomroep cu ta worde trasmiti tur Diadomingo atardi cuat'or via Radio Kelkboom nan lo dedica diadomingo awor un „cuarto di ora” especialmente na Aruba. Den e programa aki senjor J. v.d. Walle lo papia tocante su hishita reciente na nos isla. Den e programa aki e conocido locutor Tom Pape lo entrevista senjor Van de Walle tocante di e musica Arubana di musicantenan manera Rufo Weaver, Padu del Caribe, Steelband. Tambe pre-

guntanan lo worde haci tocante C.C.A. y e planta di awa nobo na Balashi. Durante e programan aki senjor Nicols Pina lo manda un mensahe na papiamento pa e studiantenan Arubano na Hulanda. Senjor Pape lo haci 3 pregueta na senjor Van de Walle tocante nos isla. Esnan cu ta interesa por manda e contestacionnan pa Radio Nederland Wereldomroep. Den un proximo programan nan lo traha e contestacionnan ricibi.

**FATUM — Tel.: 1845**  
Pa tur bo aseguronan

## Viuda di Chessman a traha na comete suicidio

**TIJUANA** — Un muher Mericano di 32 anja, kende ta bisa cu e ta Vivian Janet Moore. Viuda di Chessman, a traha di comete suicidio na Tijuana (Mexico), cu e ta sufi di dje persiguiacionnan, cu e ta sufi di dje na Merca, asina el a bisa. E muher a hebe mucho pildora di drumi, pero mediconan ta kere cu nan lo por salba su bida.

E muher a bisa cu el a ensa cu Chessman den e estado Mericano Arizona na 1945, na edad di 17 anja. El a bisa cu e tin un jiu homber, jama Marcus Chessman, kende ta hiba na New York.

Ta probahle cu e poliznan Mexicano lo investiga e asunto.

**stronger every day**

Every mother who cannot breast feed baby chooses Lactogen, a food which resembles breast milk in nourishment, in digestibility and in health protection.

Lactogen is an all-cow's milk formula with vitamins A and D and iron added to build resistance to illnesses. Lactogen is easy to prepare, uniform and safe.

Prepared by Nestlé's especially for infant feeding

thanks to **LACTOGEN**



## BELANGRIJKE HANDELSFIRMA

zoekt voor haar afdeling **BOEKHOUDING** een

## ervaren kracht

Vereisten: ervaring op boekhoudkundig gebied, prima referenties.


Brieven worden gaarne ingewacht onder letter B. bureau van de „Arubaanse Courant“, Oranjestad.

## TRINTA MIL TA FALTA PA KERKI NOBO

SAN NICOLAS. — Te aña e opinion di domi Visser di comunidad Protestant di Piedra Plat y cu ne hec- ter e kerkerad ta pa nan traba e kerki nobo na San Nicolas sin cu keda cu un debe grandi pendiente. Ta un bunita principio, cu sin embargo tin su dificultadnan. Loke a resulta durante e destajo di invitado- nan cu recientemente a tuma lugar pa trahamentu di e kerki. E ofertanan a

## VERWIJDER HET VET

Wanneer vet uw huid ontsiert of u kortademig maakt en uw gezondheid in gevaar brengt zal het voor u gemakkelijk zijn een half pond per dag in gewicht te verminderen met de nieuwe Hollywood methode, genaamd Formode. Geen drastisch dieet of oefening. Volkomen ongevaarlijk. Vraag uw apotheker naar Formode en begin morgen met uw vermageringskuur.



Ter voorkoming van rimpels in het voorhoofd  
Ter bestrijding van „kraaienpootjes“ bij de ogen  
en van de „jaarringen“ in uw hals

DAT KAN PLACENTUBEX. Placentubex doet rimpeltjes verdwijnen. En hoe minder rimpels, hoe jonger het gezicht. Placentubex is in staat om jaren jonger te maken — vaak vele jaren — reeds na enkele weken. Levensbevattende elementen van de natuur werken in reeds na enkele weken. Levensbevattende elementen van de natuur werken in reeds na enkele weken. Levensbevattende elementen van de natuur werken in reeds na enkele weken.

## Placentubex

verjongt en spant de huid  
MERZ & CO. Frankfurt/Main — Berlijn — Zürich.

Verkrijgbaar op Curaçao: in alle botica's, betere zaken en Supermarkets.  
Op Aruba: Aruba Trading Co., Oranjestad en St. Nicolaas en in alle botica's

## Otro Oferta Fantastico di ACE

UN BUNITA-TOBO CHIQUITO DI  
PLASTIC,  
PA MIL Y UN USO,  
UN OFERTA DI

# Ace y GLEEM



Imaginá Bo!

E atractivo tobo chiquito aki lo costa normalmente por lo menos tres bez mas tantu. E ta basta grandi, y su rand ta extra fuerte. Mas fuerte, mas seguro. E ta bini den diferente color atractivo.

SOLAMENTE **80** CEN CU 3 tapa di ACE y 1 cajita bashi di pasta di diente GLEEM. Ki tamaño cu ta.

Busca esun di Bo na



CORSOW  
Mensing & Co  
Arriba di Hollandsche Boekhandel

ARUBA  
Mansur Trading Co  
Oranjestad 6 San Nicolas

Percura pa busca Bo tobo chiquito di plastic di ACE y GLEEM promo cu nan caba. E cantidad ta limita.

sali leu di loke nan a spera. ya resulta cu mester sali por lo menos trinta mil florin mas for di e comunidad prome cu nan cuminsa cu e construcion, esta si nan kler mantene e opinion ariba menciona. Di e cinsu contratistanan cu a worde invita pa duna un oferta e prijsnan tabata respectivamente pa e kerki. consistorio. nan dos huato, lo siguiente:

1. Bouwmaatschappij „Aruba“ N.V. Fl. 81.800.— 26.000.— 107.800.—
2. Petrona & Croes „83.400.— 26.000.— 108.400.—
3. Marcial Tromp „93.850.— 27.190.— 118.320.—
4. Bohama Aruba „96.500.— 26.500.— 119.900.—
5. Isidro Lopez „95.540.— 29.800.— 123.340.—

E placa cu nan tabatin na tur tabata fl. 63.000.— di cual fl. 15.000.— a bai caba pa cumpramentu di e terreno Di mester a resta na cash ta fl. 48.000.—, mientras cu pa e misa so tin mester di fl. 81.800.— sin consistorio of mueblenan di e kerki.

Referiendo na esaki durante un reunion di diahuebs anochi u.p. di kerkerad di comunidad di protestantnan na Aruba a worde discuti cu di tur manera nan lo traba e kerki, pero cu durante simanann vendiendo nan lo cortá un biaha mas cu e miembronan di e comunidad pa hanja e placa cu ta falta. Si nan logra di hanja e placa aki, anto inmediatamente nan ta cuminsa cu construcion di e kerki cual lo bini segun e planonan. Cu e placa- nan cu nan hanja di otro actividadnan cu lo sigui manera feria asina, nan ta spera di por compra e mueblenan. Si e f. 34.000.— cu ta falta no bini riba mesa, anto kerkerad lo laga e arquitecto hasi algun cambio den e planonan, elimina un poco e formen bunita di paden y pafor, y pa despues di esei cuminsa mes ora cu trahamentu di e kerki.

## DAMAS Y CABALLEROS DI RAPID TA BAI CORSOW AWE

(Di nos redactor Deportivo)  
ORANJESTAD. — Pa promer biaha un equipo di volleyball di Aruba ta sali bai hunga un serie na Corsow. E quipo cu ta haci esaki ta e popular Rapid di Savaneta. Lo sali awe tardi 3'or un quipo masculino y otro femenino bati direccion di Sr. Betty Arends. kende ta biaha como hefe di delegacion.

E equipo femenino cu actualmente ta subcampeon di Aruba ta hiba como coach Wim Diaz, mientras cu e coach di e sexteto masculino lo ta Fefe Arends.

Awe noch Rapid homber lo hunga contra di Sithoc, actual campeon di Corsow y e damaan di Rapid lo enfrenta Olympia, subcampeon di Corsow.

Majan atardi e otro partidonan lo worde hunga. Rapid femenino lo enfrenta Vios, campeon curazolenjo e ora y Rapid masculino lo topa Lucky Masters, cu ta number dos den su division.

E delegacion cu oficialmente ta consisti di 26 persona, pero contando e fanaticonan cu ta acompaña e equipo ta yega casi na 40, ta regresa majan anochi.

## UNO CERO RIVERPLATE A GANA S.C.A.

(Di nos redactor Deportivo)  
ORANJESTAD. — E campeonato oficial 1960 clase A a haci su start diahuebs anochi cu wega entre S.C.A. y Riverplate. E dosnan aki a duna un bon wega mostrando for di principio cu ningun lo duna e otro mucho chens.

E promer tempo a transcuri sin anotacion y tabata parece cu e segundo tempo tambe lo a pasa emkos. Pero faltando mas o menos diez minuut pa e pitazo final rechtsbuiten Boei Croes di Riverplate ta haci un bon voorzet cu Carlito Perez ta probecha pasando e portero di Paradera pa e unico biaha den e anochi ey.

Esaki por cierto tabata e unico anotacion di e bunita wega aki.

## Erasmus den parlamento

KAAPSTAD, 6 mei. — E ministro surafricano di busticia, Erasmus, a bisa su parlamento awe, cu 18.011 neger a worde arresta durante listramentu di pueblonan neger, desde cu e estado di emergencia a worde proclama na Surafrica dia 30 di maart.

## Regalo pa mamay

M'a pensa na compra un regalo. Pa mi regala mamay. Oro y plata no ta malo. Te na diamanta si mi n' por bai.

M'a camna waak den tur pacunanan. Y mirando e cosnan di halor, m'a queda pensativo ta cual di nan lo mi por scohe awor.

Uno di nan mamay tin caba. Otro ta caro mi n' por pag'e. Esaki! Ay ta fantasia. N' ta sigur cu e lo gust'e.

Te... porfin! Ata m'a banja un. Esaki bal mas cu un million. Aquel si no tin ni un clase dudu. Ta mester e mester ta bon.

Mamay... Tuma!... At'e regalo. „Mi ta priminti, cu desde awor, lo mi stima bo tur dia bai cu mucho y mas amor.“

Francisco Tronco.

## EILANDSRAAD A REUNI

(Continuacion di pag. 1)

mentu di e meternan. „Terriorio Insular“ tabata e contesta. „Un chofer di taxi lo por worde obliga di instala un meter asina den su auto?“ Senor Eman (AVP) ta informa. „Si“, tabata e contesta. e condicionnan den e vergunning ta permiti esaki na gobiernu.“ Deputado Tromp a sigui senor Croes cu e meternan lo worde controla regularmente.

Ora cu rato despues e punto tocante „presentiegeld pa miembronan di raad“ ta worde trata, senhores Eman y Croes a percura pa un sorpresa.

Al contrario di Corsow por ehemplo, e miembronan di raad di Aruba nunca ta ricibi presentiegeld pa asistencia e reunionnan di raad, sea publico of den reunion secreto. Pesei huntu e fraccionnan di Aruba poco tempo pasa a pidi pa nan worde paga e presentiegeld aki den futuro.

Tur e miembronan di raad ta hanja un suma fijo di fl. 150.— pa luna como presentiegeld, no obstante e cantidad di reunionnan cu tin durante e luna, mientras cu cada deputado ta ricibi fl. 15.— pa cada reunion. Tur bende a keda sorprendi ora cu senor Eman a duna di conoce cu personalmente e ta contra e proposicion aki.

Despues di eje tabata senor Croes kende tambe a declara, mescos. E ultimo aki a bisa: cu en virtud di e economia cu ta bai atras y e cantidad di hendenan sin trabou cu ta aumenta, no ta justo, cu raad ainda ta haci uso di e medianan limita na nan mes probecho. Ora cu despues deputado Petrona ta hasi e pregunta si e dos personanan no ta desea di ricibi e presentiegeld, senor Eman a responde: „Ami no ta desea di participa den e asunto ei“, y senor Croes a bisa: „Danki, entrega mi parti na e hendenan cu ta sin trabou“.

E ultimo punto riba agenda (cu tam- poco prensa a ricibi) tabata trata di algun credito cu ta necesario pa algun cascanan urgente. Nos a comprende cu entre otro, nan kier a dedica fl. 70.000 pa mehoracion di e trafico riba Wilhelminaplein (banda di warda di polis na Oranjestad), fl. 55.000.— pa reparacion di e brug di Spaans Lagoen y fl. 12.000 pa trahamentu di lugarnan di parkeer banda di D.O.W. No tur e hendenan cu tabata presente tabata di acuerdo cu e puntonan aki.

# COLEGIO ARUBANO

R.K. H.B.S. ANNEX KWEESCHOOL

AANMELDING:

nieuwe leerlingen eerste leerjaar H.B.S.

## VOOR 1 JUNI

via eigen schoolhoofden.

Gelegenheid tot inschrijving voor hogere leerjaren

H.B.S. en eerste leerjaar eerste leerkring

Kweeschool

## TOT 1 AUGUSTUS

bij de directeur van Colegio Arubano.

Senor E. Fiack (PPA) ta reclama cu el a ricibi e escripcion tocante e asunto aki mucha laat y no tabatin tempo pa studianan. E ta desea pa aplaza e asunto aki por lo menos un biaha mas. Senor A. Werleman (UNA) ta puntra si e suma pa Wilhelminaplein no tabata un kibocacion di tin un „Zero“ di mas tras di e cifra; senor Leo Chance (PPA) ta hanja cu fl. 55.000 pa un brug bieu ta „placa benta afo“ y ta conseha pa warda e placa aki un banda pa construcion di un brug completamente nobo. Senor Jose Geerman (PPA) ta conseha pa usa parti di

e placnan pa drechamentu di camina den „campo“. Por ultimo senor Eman (AVP) ta bisa cu ta ridiculo pa saca fl. 12.000.— pa traha lugar di parkeer banda di oficina di DOW, mientras cu tin tanto terreno liber pa pone cantidad di auto!


Despues cu deputado Petrona a aproba pa laga e punto di agenda aki pendiente pa otro biaha, pero cu a bisa pa hasi esaki muy pronto en vista di e condicion di e brug, e president a termina e reunion tres'or binticinco minuut. E reunion aki a dura ochenta minuut.

## Y ey nan e AIRCONDITIONER ta bini

E ta trahando su cas y ta laga un lugar pa un Airconditioner Awor hopi di su amigonan tin un Airconditioner.

E tambe mester tin un.

Tambe e por drumi mas tranquilo - sin boroto of gritamento di e muchanan - semper fresco.



## Gracias na AIRCONDITIONING

E ta sabi, pasobra e ta laga pone un Airconditioner den su cas nobo (no ta cos tele mas cu algun cens pa dia) y ta sintiele bon, dia y anochi.

Haci mescos cunele  
Cumpra un AIRCO tambe.



Pero asina!



No asina'ki

Pidi informacion GRATIS na





**HOLMAN - VAN EERDEN**  
CONTRATISTA-EMBALADOR  
Tel. 1595-1199

**CONSTRUCCION**  
RECONSTRUCCION  
REPARACION

**„MOSAICOS GENNY“**

**Mihor Calidad**

**Tarabano — Aruba**

## Nesbitt's a bolbe gana Marlboro pero toch tin un victoria so

(Di nos redactor deportivo)

**ORANJESTAD —** Despues di e fracaso contra di Heineken's dos simon pasa, caminda Los Naranjeros no por o forme un novena pa cumpli cu nan compromiso, daar di Michael Mulyale gerente di Nesbitt's a worde teni un reunion cu tur e hungadarnan den cual a kedo acorda pa nombra coma manager e canacida ex pelotero Pantin Guerrero. Y Pantin a debuta bon diazazon anochi guiando su novena na un victoria di 5 pa 1 ariba Marlboro.

Esaki ta di dos biaha cu Nesbitt's ta gana Marlboro, pero pa e tabla di posicion ta un victoria so Nesbitt's tin awor ya cu esun di promer obtien den e partido inaugural a worde kita door di e absurdo reglamento en conexion cu perdida di un wega pa forfeit. Ambos novena a usa unicamente un lanzador cubriendo Charles Ponson henter e ruta pa Nesbitt, mientras cu e largo Ro Agumero a haci mes-

kos pa e cigarilleronan.

E seis carreranan cu en total a worde anota, a cruza home den e promer tres inningnan. Nesbitt cu tres den su promer turno na hate como visitador a anota tres carrera. Despues cu Buche Buayale a bai out. Harold Jack a embasa pa base por bola. Jossyto Mulyale ta liga hit den center poniendo Jack na segunda. Otro hit di Eric Ponson ta yena e basenan tumando su turno na hate Martin Hamlet. Esaki ta roleta pa segunda forzando Eric Ponson na e base ey, pero empujando Jack cu e promer carrera di wega. Hit di Charles Ponson ta empuja Jossyto cu carrera number dos. Dead-

ball pa Abraham Lake, ta bolbe yena e basenan. Cu Mitto Maduro na bate pitcher Agumero ta comete error ora cu su receptor ta haci lanzamento p'e y Hamlet for di tercera ta provecha e pifia aki pa anota. Maduro luego a ri-

cibi base por bola, pero Jan Loefstok a roleta pa short pa cerra e inning. **Marlboro ta anota su unico** Cerrando e segundo inning e cigarilleronan ta cruza home den loke yegon ta resulta na unica carrera. Ya tabata tin dos out ora cu Ramon Buckley ta esum pa primera y bai segunda ariba un passball. Kock ta liga roller di hit pa centerfeild empujando Buckley. Ponche pa Agumero a cerra e inning.

### Nesbitt ta aumenta su ventaha

Cu dos carrera mas anota den e tercer inning, Nesbitt ta aumenta su ventaha te na 5 pa 1. Eric Ponson ta habri e inning embasando door di interferencia di catcher Sharpe. Un fuerte batazo di Hamlet den rightcenter ta sigi cu ta valido pa dos skina y ta pone Eric Ponson na tercera. Charles Ponson ta conecta awor su segundo hit impulsador mandando e bisha aki dos di su companjeronan te home. Despues cu Lake ta embasa pa error di e shortstop riba un fuerte roller, e tres siguiente bateadornan Maduro, Loefstok y Buche Mulyale ta worde eliminá.

Te na e noveno inning, Marlboro a olgra pone por lo menos un homer na base den cada inning, pero pitcher Charles Ponson a logra di domina e situacion cada biaha y tene resto di e scoreboard limpi.

Den e octavo inning Marlboro a yega mas cerca di anota ora cu despues di un cerca di Pantophel a conecta fortissimo out Pantophel a conecta fortissimo batazo di tres skina den rightcenter. Sharpe a sigi cu e fly pa shortstop y Papin Wilson a poncha cerando e inning.

E partido a caba cu e score di 5 pa 1 na favor di Nesbitt. Tabata un bon wega den cual nos por a mira bon pitcheo, varios bon batazo y tambe algun bon fildero.

Charles Ponson a resulta pitcher ganador pa su promer victoria den e empeonato contra di un derrota tambe. Su trabao tabata di 7 hit permiti, dos base por bola regala, y 15 ponche propina.

El a demostra un control excepcional, ya cu e ta conoci pa un pitcher cu ta duca hopi ponche pero tambe hopi base por bola.

Ro Agumero cu su segundo derrota, a ricibi 9 hit, regala dos base por bola, y poncha 9 naranhero. E errorin tabata dos pa Marlboro y uno pa Nesbitt.

### ATENCION

Ora bo tin mester di muebles, acudi cerca A. C. Heyer na Fahrenheitstraat 2, of jama tel. 2557 caminda bo por banja muebles construi di palo di seda, e palo cu ta duna garantia pa bo placa. Y un acabado perfecto y puntualidad.

## CUMPLIANJOS

Awe ta recordando su fecha natal e simpatica srta. Olivia Tromp y ta ricibi felicitacion di su tata Enrique, mama Maria, rumannan Theresita, Catharina, Bertha, Braula, Andrea, Pascualite, Magdalena, y Ali Tromp, tambe di tanta y omonan, primo y primanan, sobrino y sobrinanan, swanman Laurens Oduber, Angel Fingal, Otilio Franka, Lauriano Tromp y Anadoy Giel, tambe tur su amiganan di El Paraiso, di Irma, Tina, Margo y Olympia Vrolijk, Alcida y Sofia Quandus, Mima Tromp, Ica Donker, Eulogia Boekhoudt, Lucia Croes y Nicomeda Everon y demas familia Tromp, tur amiganan di Centro Juvenil Tanki Leendert.

Senjora Mathilda Winterdal ta cumpli 68 anja y ta ricibi felicitacion di su esposo Nene Winterdal, rumannan Angelica, Juanita Shon Ca y Papi Winterdal, nietonan Greta y Michael Winterdal, suegri Rosa Winterdal.

Ta celebra su 7 anja di feliz existencia e hobencita Theresita Alexandrina Henriquez y ta ricibi felicitacion di su tata, mama, rumannan, Jacinto, Martin, Maria, Eric, Frenki, amiganan Mena, Chida, Marina Henriquez, Thea y Martina Wolff, di Mena y Jantji Giel.

E hobencito Martin Pio Henriquez ta celebra su feliz cumpleaños y ta ricibi felicitacion di su mama, tata, rumannan Jacinto, Theresita, Maria, Eric, Frenki, especialmente di Lando Tromp y familia Hayden.

Sr. Fiealo E. Jacobs ta cumpli anja y ta ricibi felicitacion di su esposa, Juanita Maria, Anna, Dora, Paula y Marco Jacobs y demas familia.

Hopi felicitacion ta bay pa senjor Cheppi Ridderstaat y su senjora Dorthea Ridderstaat, kendenan ta recorda nan boda di koper. Felicitacion ta bini di nan juman Ita, Boes, Luti, Vi, Maiky, Sim y Lupita tur nan rumannan, sobrina, omo y tantanan, comper y comernan, bisnijnan, tambe di compernan Teo Giel, Chito Giel, Cleiano Farro, Jan Jacobs, Pablo Tromp, Didi Giel, Coco Henriquez y Hose Christians, tur su amiganan di Postkantoor, familia Ridderstaat, Giel, Farro y Tromp.

E ehalero Antonio Bikke na Hulanda a cumpli 21 anja y ta ricibi felicitacion di su mama Thomasa, tata Ervilio, rumannan Olinda, Juana, Andrecio, sobrinonan Stanley y Mai, sobrina Dolores, tambe di su tanta y omonan, amigo y amiganan y demas familia.

## Agenda

**ARUBAANSE COURANT**  
diariamente cu excepcion di diadomingo

Edici6n di  
N.V. ARUBAANSE DRUKKERIJ EN  
UITGEVERIJ, EN PUBLICITEITS BUREAU  
Nassaustraat 86 - Orstad, Aruba N.A.

Suscripcion / 3— pesa adelanta  
Edicion suelta 20 ct

Telefon: 1116 Directiva y anuncio  
— 2116 Redaccion y suscripcion

Directeur-hoofredacteur G. J. Slaats  
Imprimi na N.V. Drukkerij „De Stad“

### CINE

**ZATERDAG**  
DE VEEH 8.30 „Carve her name with pride“  
18 J.  
RIALTO 8.00 „The Young Don't Cry“ 19 J.  
PRINCIPAL 8.00 „Miami Expose“ 18 J.  
AURORA 7.30 „The sun Runners“ 18 J.  
SAYANETA 7.30 „The Guiana People“  
**ZONDAG**  
DE VEEH 8.30 „Carve her name with pride“  
18 J.  
matinee 6.00 „The crooked Circle“ a.i.  
RIALTO 8.00 „The Young Don't Cry“ 19 J.  
matinee 5.45 „Two runs and a Badge“ a.i.  
PRINCIPAL 8.00 „Part Airline“  
matinee 6.00 „The Misourians“ a.i.  
AURORA 7.30 „The white Squaw“  
matinee 6.00 „Vigilantes Hideout“  
SAYANETA 7.30 „I want to live“  
matinee 6.00 „Bullwhip“

### WIT-GELE KRUIS

Zr. Ewaldina - Zr. Perpetua tel. 2500

**BOTICAN DE WADA**

Oranjestad: BOTICA ARUBA tel. 1080  
San Nicolas: BOTICA CENTRAL tel. 5008

**PROTESTANTSE KERK-DIENSTEN**

Oranjestad: 9.00 v.m. ds. Jakobs  
Piedra Plat: 5.00 a.m. ds. Visser  
San Nicolas: 9.00 v.m. Gezinienst  
Savannetkerk

**CHURCH OF CHRIST**

10.30 a.m. en 6.30 p.m. YMCA-gebouw San Nicolas.

**ROOMS-KATHOLIEKE KERKDIENSTEN**

Oranjestad: 11. Fransiscus Kerk: 8. Mis om 5 uur, 6.30, 7.30 kinderen, 8.30, 10.00 uur.  
San Nicolas: 11. Theresita Kerk: 8. Mis 5.45, 6.30, 7.15 's morgens en 7.30 's avonds.  
Despues di Misa di 5 'or, lo tin un Solemnidad especial na octava di Dia di Mama, Santa Cruz: Kerk v.d. Onbevleete Ontvangenis: 8. Mis om 5 uur, 6.30, 7.30 kinderen, 8.30 Hoognis.  
Savannet: 11. Hart Kerk: 8. Mis om 5 uur, kwart over zeven kinderen, 9 uur Hoognis.  
Paradera St. Filomena Kerk: 8. Mis om 5 uur, 8.30 Hoognis.  
7 uur kindermis uitsluitend voor kinderen.  
Noord: St. Anna Kerk: 8. Mis om 6 uur 8.30 Hoognis.  
Cura Cabal: Christus Koning Kerk: 8.30 Hoognis, 7 uur n.m. 8. Mis.

**UN REGALO IDEAL**

pa

**SANTA COMUNION**

ta un

**TAJO CU DATOS CONMEMORATIVOS**

di

Eerste Arubaanse Keramiek Shop

Rondweg 21 - Tel. 2621

**HBU**

**HBU**

**Ook voor U: de HBU**

**HOLLANDSCHE BANK-UNIE N.V.**

WILLEMSTAD - TELEFOON 11349

ORANJESTAD - TELEFOON 1200

SAN NICOLAS - TELEFOON 5090

**AUSTIN seven**

10 FEET LONG, PARKS

IN 11-FOOT GAPS

**incredible!**

MEET IT AT

**WARENHUIS v.d. REE**

**LA VICTORIA**

Distributors

**CEMPRO n.v.**

Wayacka - tel. 2444

**Pa tur ba blakkinan di cement y beton**

**E ta sigui**

**Just for Mom**

ta nos

— LENSU

— BORSTSPELD etc., y

— BLUSA

— tur bunita empaketa

**PALAIS ORIENTAL**

Oranjestad - San Nicolas

**Make it a happy Mother's Day**

**Sunday**

**May 8 - 1960**

**SPECIAL GALA BUFFET**

**CONCERT**

by **ARTHUR LEE SIMPKINS**

at the **Aruba Caribbean Hotel - Casino**

**BUFFET 2—5 P.M. CONCERT 5—5 P.M.**

**NO FOOD SERVICE DURING CONCERT**

**Price: \$ 3,85 plus gratuity**

**Children under 12 \$ 2,50**

**SURPRISES**

**A treasured doorprize to mother.**

**A Polaroid group picture taken on the spot and handed to you immediately - On the house!**

**KLIM... The COMPLETE Milk**

**is the choice of wise mothers**

**KLIM is milk with all its nutritional elements intact. Only the water has been removed. So it's no wonder wise mothers insist on KLIM for their families. KLIM has all the nourishment nature puts into fresh milk to build strong, healthy youngsters. Mothers also know they can trust KLIM. It's specially sealed in the tin to keep it pure, safe and fresh-tasting.**

**KLIM... the complete milk**

**If It's Borden's—It's Got To Be Good**

**Agent for Aruba: ODUBER AGENCIES, Botica Oduber Building, Tel. 2699**

**UN BRUID COMO OFERTA**

**pa TUYUCHI**

**No. 9**

**„Ta quico esaki ta haci aqui den?“**

el a puntra y e ora ei mi tabata recorda e anochinan cu mi pasa sin drumi pa falta di mi popehi. Y mi no a conta mi tata nada quico tabata pasa den mi. Esei tabata imposible. Pero foi e tempo ei mi tabata sa tambe cu hamas un hende mester hunga un cos cu e ta gusta.

Theresa su stem tabata resona emocionada. Y den un gesto di desesperacion e tabata extende su brazo. Nicolas a camina bini cerca dje.

„Bo ta bai casa cu mi“, el a ordena.

„No, no“, Theresa a responde jorandando amargamente.

„No sea tan insensato, Theresa.“

Nicolas a bisa skerpi. „Mi sa loque ta mas mehor pa bo y lo bo haci loque mi ordena bo.“

No obstante su lagrimanan Theresa mester a hari un ratu.

„O, Nicolas, bo ta asina gracioso. Aunque cu awor bo tin tres anja mas bieu cu mi, ta p'esei sol ainda bo no por forza mi na haci algu cu mi no ta desea, algo cu mi no quier. Mi ta queda aqui pa mi mira quico ta pasa. Quizas por socede cu ora cu e marques mira mi, lo e no ta desea mi absolutamente.“

„Pa bisa bo berdad, Theresa“, asina Nicolas a responde; „mi n'a ta que-

**GEEF MOEDER 'N NUTTIG GESCHENK**

B.v. een

**SUNBEAM**  
mixer of toaster

of een

**SHEAFFER'S**  
vulpen of set

of een

**LEREN HANDTAS**  
prachtige  
1001 GESCHENKEN BIEDEN WIJ!!

**ARUBA TRADING COMPANY**  
Oranjestad - San Nicolas

**KLIM... The COMPLETE Milk**

**is the choice of wise mothers**

**KLIM is milk with all its nutritional elements intact. Only the water has been removed. So it's no wonder wise mothers insist on KLIM for their families. KLIM has all the nourishment nature puts into fresh milk to build strong, healthy youngsters. Mothers also know they can trust KLIM. It's specially sealed in the tin to keep it pure, safe and fresh-tasting.**

**KLIM... the complete milk**

**If It's Borden's—It's Got To Be Good**

**Agent for Aruba: ODUBER AGENCIES, Botica Oduber Building, Tel. 2699**

re ni un momento sol cu lo e casa cu bo. Tur hobencita casable na Londen a tira nan net riba su cabez y span nan reda rond di dje, pero te ainda ningun di nan a por a conquista su curazon. Actualmente tin un persona... cu ta sieme masha tantu, e ta haci hopi coi loco cune, pero... e marquez no quier tende nada.“

Nicolas su stem a cambia y unbez Theresa tabata sa cu aqui el a toca e hoben su sentimentunan personal.

„Ta quande esei ta?“

„Esei ta lady Isabel Calver“, Nicolas a duna pa comesta. „Lo ho n' tende antes nunca di dje. E ta viuda. El a casa tempo cu e tabata un muchacha di scol ainda y su casa a muri den gera contra Napoleon. E ta bunita. Theresa, e criatura di mas bunita cu naturaleza por a produci, di mas bunita cu mi por a mira den mi bida. Theresa, Sinembargo Bolkan no quier tende nada di dje.“

Y Theresa a responde:

„Anto lo e mester ta masha diestru. Bo n' conoce e hendenan cu ta domina e fortuna di mi ei, Nicolas.“

„Anto no a resta nada mas cu lo mi por haci pa ho“, Nicolas a bisa.

„Nos ningun di dos no por haci nada.“ Theresa a responde, solamente di corda cu mi tata su cadaver ta ser transporta pa e cas aqui.“

**Bo ta laga e momentonan mas bunita pasa sin un recuerdo?**

**Esey no por sosode!**

**KODAK RETINA 2C camera**

chikito, pactico, cu afstandsmeter aden y f/2.8 Synchro Compur shutter.

**Boratisimo.**

**UN REGALO IDEAL PA UN MAMA**

pasobra e ta esun cu ta semper junto cu e muchanan y ta capta e momentonan gracioso.

**NEME**

Import-Export Co.

„Mi n' lubida esei, Theresa.“

„Bo quier avisa domi, Nicolas?“ el a puntre. „Lo mi pone personal na altura dje incidente. Pero prome cu tur cos bo mester come algo, Nicolas.“

„Si, mi ta morto cansa. Mi a queda enter anochi riba mi pia. Ai, Theresa; despues lo duel ho cu bo no a dreata cu mi proposicion.“

„Quizas“, Theresa a responde. „pero recorda ho bon, Nicolas, cu hamas ningun Overlay a corre pa nady, y mi no quier ta esun di prome cu a haci esei. Lo mi no corre ni maske mes cu mi tin di dreata estado matrimonial cu un homber manera esei... e mal homber ei!“

**CAPITULO II.**

„Bolkan ta mucho laat“, conde Van Gillingham a observa, mientras el a rek su pianan largo caba un poco mas. Y floho el a hiza e glas na la rira pa larga su contenido dispare den su interior.

„Ainda no. Pero mi ta pusta bo tin enacien cu e taquil prome cu a loshi bati.“

„Convenido“, lord Gillingham a responde y a queda ta mira na e oloshi grandi eologu na miraya.

Mes momento a resona afor pasonan fuerte y stemnan y e lord Gillingham a observa: „Caramba, Peter, mi ta quere cu b'a gana mi.“

Pero ora cu porta a abri a aparece un figura feminel, cu un mantel masha bunita, di cual e capuchon a presenta un cara hari y bunita. Ambos homber a hula lamta para.

„Isabel!“ lord Gillingham a grita.

„Bonochi, Gilly. Mi no a spera di a contra cu bo aqui. Ni abo tampo. Peter“ lady Isabel a bisa cu un reverencia bofonante prome cu el a bai cerca su rumannan sunchi esaki riba su cara. „Bo cara ta particularmente bunita awe, Gilly. Ta un frei nobo b'a banja of ta placa b'a gana na wega di carla?“

„Ni un ni otro“, lord Gillingham a responde. Y el a agrega acerca severamente: „Un declaracion por favor. Isabel. Quico abo ta haci aqui?“

„Mi ta acepta cu ta e meos cu bo“, lady Isabel a bisa. „Bonochi Pe-



EL CISCO KID

1. „Ta bon... mi ta pusta \$ 100 cu mi ta tira mihor cu bo!” „Hé! Esey ta placa sigur...” 2. „Bisa abo forastero... Riba kiko nos tira?” „Riba otro!” 3. „!!!”



JUAN EL INTREPIDO

1. „Choni y Mulk a hanja e avion na un luga deserto di Himalaya! Ey den nan a skonde...” 2. „Ynan a hanja completamente bashi... Despues ora e mal tempo a pasa, nan a registra...” 3. „Pero nan no a hanja rastro di e tripulacion. Tabata parse cu si e a desaparece...”



DICK TRACY

1. „Mi a swak — mi no por core hopi”. 2. Nan ta agrediendo e hospital. Haku Kou ta bula den un di e truck nan. 3. „E ta dobla su mes den e posicion mas chikito posible. E ta buk y warda.”



RIP KIRBY

1. „Moneda di oro y saku impermeable yen di placa. Tabata un bon pesca!” 2. „Esta bon! Na America lo mi ta reina di tur cabaret!” 3. Y na 10 brazo di profundidad... „Esaki ta e unico porta sera... Kiko lo tni den su interior?”



EL PRECIO DEL TRIUNFO

1. „Si bo no copera cu nos, Archer, e division nobo di plastico ta na peligr! No tin otro hende cu por savi e método nobo manera uho!” „Pa favor no hinca mi den trouble!” 2. „Fija bo prijs... esta razonable, naturalmente!” „Bueno, ami...” „Bonochi, senjores! Muy amable di bo parti pa bo a bini, Sr. Saxon!” 3. „Srta. Monica Durrele, mi ta presenta bo na sr. Derek Archer y Sr. Lalo Saxon...” „Encantada, senjores!” „Esaki verdad lo por ta masha bon mes pa Monquita!”



EL DIARIO DE UNA VIDA

1. „Otro cos. Papa Jones no sabi di e plannan. Quier meen...” 2. Cu otro palahra, nos lo percura cu e bieju... sintiele importante... no ta esey?” „Justamente, senjorita, Codby. Y esey ta tur!” 3. E restaurant ey, Jones... ta sirhi nos como base pa e lampi!” „Lampi! En fin... cualquier cos bo por pasa waya den djel!”



PEPITA

PEPITA 1. „Mi ta bay duna bo un oportunidad di inverti den mi invento nobo, hefe!” 2. „Ta un polshorloge cu ta traha cu solo.” 3. „Com bo ta mira ora anochi?” 4. „Un error chiquito y net e mester a bin descubri!”



Cumpleanjos

Awe ta recorda su fecha natal e simpatica srta. Hyacintha Tromp, y ta ricibi felicitacion di su tata, mama, rumannan, tanta y onnan, primo y primanan, especialmente di su intima amiga Carmen Franken y demas familia Tromp.

Hopi felicitacion ta bay awe pa e hobencita Isabel Domitiana Frans, pa parti di su tata Ernesto, mama Mathilde, rumannan Maria, Raulito, Arlene, Esther, Herry, Errold, Lenin, Dexter, Ira, Aman, Adol, Paul, y demas familiares, especialmente di su madrina Dudu, padrino Djoe!

E gentil caballero Stanislaus Pio de Cuba ta cumpli 43 anja y ta ricibi felicitacion di su 7 rumannan, Maria, Athanasio, Dominico, Petronilla, Giritario, Theresita, na Corsow Josefa Harst y di su 21 sobrino y sobrinanan, di familia de Cuba, Tromp y Harst, swa y cumñanan.

UNDA FANATICONAN PA BASEBALL AA TA KEDA!

(Di nos redactor Depurtivo)

ORANJESTAD — Esunnan, e poconan, cu tabata presente na e encuentro di baseball AA diarazon anochi pa presencia e encuentro entre Nesbitt's y Marlboro, a keda asombra con poco fanatico tabata tin presente den tribuna. E cantidad no a alcanza diez. Y esey ta cu a enfrenta otro dos novena cu no muchu tempo pasa semper tabata atrae un publico hasta grandi.

E partido Nesbitt contra Marlboro tabata un bon wegá y realmente a merece di mas apoyo di parti di e fanaticonan di baseball.

Kiko lo ta e motibo di e falta di interes cerca e fanaticonan? E prijs di entrada ta mucho haltu? E partidonan sa resulta decepcionante? Por ta cu awor cu e dos novenan di Oranjestad ta hopi reforza hungadornan di San Nicolas e fanaticonan di Playa ta hanja e uno ta nan equipo mes ta des accion?

Kiko e motibo ta ningun hende por bisa cu siguranza, pero si ta sigur cu den e forma aki baseball AA no por continua. Falta di interes di e fanaticonan ta reflega ariba e hungadornan y e dirigentenan, y esakinan e ora por perde interes den practica e deporte y traha p'e respectivamente.


Nos ta kere cu directiva di A.B.B.A. mester tumá e problema aki na serio y busca un medio. Sea door di baha e prijsnan, door di anuncia doorprize, pa cualnan talvez algun comerciante por duna cooperacion, of cualquier otro medio cu lo por trece e fanaticonan bin mira nos baseball AA.

Sta. Cruz Stars unico cu ta atrae

E unico novena cu ta trece un grupo regular den Wilhelminastadion ta Sta. Cruz Stars. E equipo aki tin su fanaticada cu ta fiel na dje y t'e na tur su weganan. E cantidad no ta grandi pero a lo menos e ta algo y sigur mas cu e otro equiponan.

Heineken's un novena netamente di San Nicolas, e equipo cu semper ta wordé mihor representa, no ta gozando di apoyo di fanaticonan di San Nicolas. Sea cu e fanaticonan no ta interesa di baha bin weita baseball na Oranjestad, pasobra toch nan por weita por nada na San Nicolas despues, of sea cu Heineken's no ta goza di e popularidad cu otro equiponan di

ANTON HUNINK'S BOERENMETWORST



Niet voor de poes!



MAMA

Pa: VICTOR HERNANDEZ (Lamento di un Mama desafortunada)

Awe cu mi pover manonan gasta y yen di ploo di anjanan cu hopi esfuerzo y temblamento ta hiba poco cuminda na mi boca...

Ata mi sinta bandona den mi bohio sin consuelo, sin caricia, sin e muestra di aprecio y gratitud di esnan cu dolor m'a pone riba mundo.

Dia di Mamanan... Si... fiesta di Mamanan cu awe ta sinti nan curazon reboza di alegria pa e carino y gratitud eterno di nan yunan agradecido den forma di un of otro regalo

Cuanto Mama lo n' tin den mundo cu awe ta sinti nan curazon destrozado pa berguenza y desprecio cu nan a experimenta na mano di esnan cu a drumi den nan propio entranjan?

Pero como Mama mi ta implora na Altisimo cu tur fervor cu a resta mi ainda den un curazon abati.... perdona e poberman pa nan por yega di goza ainda di bida eterna. Amen.

Curazao, 8 mei di 1960.

Petrona & Croes

Dakota - Tel. 1712-1639

PA BUNITA MOSAICO

Y AZULEHO

KAN INC.

JOYEROS DESDE 1918



MAMA

a keda asina CONTENTO....

cu bo regalo y especialmente pa e aprecio cu e ta representa.

Probecha e ocasion aki. Haciele feliz dia 8 di mei. Dia de las Madres.

Nos ta especialmente equipa pa yuda bo scohe bo regalo.

TEL. 1193 NASSAUSTRAT 47 ORANJESTAD